

S-Huaka‘i Wa‘a:

HWST 110 (61450)

Hawaiian Voyaging

3 ‘Ai (credits)

“He wa‘a he moku, he moku he wa‘a.”

Kau Kupulau 2022

Ke Kahua Kula Ki‘eki‘e o Kahuku, Lumi P-38

MA KA HANA KA ‘IKE!

Kumu: Kamo‘e Walk

Kumu kōkua ma Kahuku: Kāla‘e Johnson

Hola ke‘ena: (Ma ka ho‘opa‘a ‘ana me ke kumu)

Kelepona: (808) 675-3884 (ke‘ena)

Leka uila: walk@hawaii.edu

‘OLELO HŌ‘IKE NO KE KULANUI O NĀ KO‘OLAU

‘O kēia ka wā kūpono e ho‘onui ai ka ‘ike me ka ho‘omaopopo i ko Hawai‘i mau ho‘oilina waiwai. Aia nō ho‘i ma ke Kulanui Kaiāulu o ke Ko‘olau nā papahana hou o nā ‘ike akeakamai a me nā hana no‘eau. Me ke kuleana ko‘iko‘i e ho‘ohiki ke Kulanui ke kāko‘o a e ho‘okumu i ala e hiki ke kōkua i ka ho‘onui ‘ike a nā Kānaka Maoli. Na mākou e ho‘olako, kāko‘o a paipai i ko nā Ko‘olau a me ko O‘ahu a me nā mea ‘ē a‘e ho‘i me nā hana no‘eau ākea, ka ho‘o na‘auao ‘oihana a me ka ho‘onui ‘ike ma ke kaiāulu – hō‘a‘ano a e ho‘oulu i nā haumāna i ka po‘okela.

WINDWARD COMMUNITY COLLEGE MISSION STAEMENT

Windward Community College offers innovative programs in the arts and sciences and opportunities to gain knowledge and understanding of Hawai‘i and its unique heritage. With a special commitment to support the access and educational needs of Native Hawaiians, we provide the Ko‘olau region of O‘ahu and beyond with liberal arts, career and lifelong learning in a supportive and challenging environment – inspiring student to excellence.

KA WEHEWEHE ‘ANA NO KA PAPA (COURSE DESCRIPTION)

He ho‘olauna mua kēia papa i nā haumāna i ke ‘ano o ka huaka‘i wa‘a o ke au nei ma ke a‘o ‘ana i nā hana akeakamai a me nā mo‘olelo kahiko no ka huaka‘i ‘ana a nā kūpuna o Hawai‘i, a me nā mo‘olelo no ka ho‘āla hou ‘ia ‘ana o ke ‘oihana huaka‘i/ho‘okele wa‘a i kēia au nei, a me nā ‘ike o ka po‘e huaka‘i/ho‘okele wa‘a o ke au nei.

NĀ HOPENA A‘O PILI I NĀ HAUMĀNA) (STUDENT LEARNER OUTCOMES)

Ma muli o ke komo ‘ana ma kēia papa, e hiki ana i ka haumāna ke loa‘a iho i kēia mau hopena o ke a‘o; i helu papa ‘ia ma lalo iho nei:

1. E hō‘ike mai i ka ‘ike e pili ana i kahi o ka pae‘āina ‘o Hawai‘i a me nā huihui mokupuni ‘ē a‘e o ka Moana Nui o Kanaloa.

2. E wehewehe i kekahi o nā mo‘olelo/ka‘ao like ‘ole o ka wā kahiko mai nā kūpuna mai, a me ka po‘e ‘eprekema no ka ‘aumoana ‘ana a me ka ho‘onoho pa‘a ‘ia ‘ana o nā mokupuni e ka po‘e ‘aumoana i loko o ka Moana Nui o Kanaloa.
3. Wehewehe e pili ana i nā hanana nāna i ho‘okumu i ka ho‘āla hou ‘ana o ka huaka‘i moana ‘ana ma Hawai‘i a me ka Moana Nui o Kanaloa.
4. E hō‘ike mai i ka ‘ike e pili ana i nā pono hana e ho‘ohana ‘ia nei e nā ho‘okele wa‘a o ke au nei.
5. E hō‘ike mai i ka ‘ike e pili ana i nā māhele o ka wa‘a kaulua.

Ke ‘ano o nā hana e ho‘okō i nā pahuhopu hopena a‘o pili i nā haumāna:

- E ho‘okō ‘ia nā hopena a‘o pili i nā haumāna ma o ka heluhelu ‘ana i kekahi o nā mo‘olelo kahiko o nā kūpuna i pa‘i ‘ē ‘ia ma nā nūpepa o ke kenekulia i hala, a me kekahi mau mo‘olelo i kākau ‘ia i kēia wā e holo nei, no ka nene‘e ‘ana o nā kūpuna ma o nā wa‘a mai kekahi mau mokupuni aku a hō‘ea loa i Hawai‘i nei.
- A ma o ka nānā ‘ana i nā palapala ‘āina/kai e kuhikuhi ana i nā mokupuni i loko o ka Moana Nui o Kanaloa, a me ka māhele ‘ana o nā po‘e ‘eprekema i nā lāhui kanaka nui ‘ekolu o ka Moana Nui o Kanaloa a me ka like o ko lākou mau hana ‘aumoana.
- Ma ka nānā ‘ana i nā wikiō e pili ana i nā kānaka nui ma ka ho‘āla hou ‘ana i ka huaka‘i wa‘a kaulua o ke au nei, a me ke ko‘iko‘i o kā lākou mau hana no nā hanauna ma hope o lākou.
- E heluhelu a e nānā a ho‘opa‘ana‘au i nā inoa o nā kauhale a me nā hale like ‘ole o ke Kūkuluokalani a Nāino Thompson i ho‘okumu, a me ke ‘ano e ho‘ohana ‘ia ai ia ‘ano pānānā no ka ho‘okele wa‘a i kēia au.
- E kau ma nā wa‘a kaulua a e a‘o i nā inoa o nā māhele nui o ka wa‘a kaulua a me kumu o kāna hana ma ka wa‘a, e la‘a; ke kia, ke ū, ka paepae, ka heiau, ka hoe uli, ka pe‘a a pēlā wale aku.
- E ‘e‘e a e kau ma luna o ka wa‘a kaulua ma ke kai a ho‘oholo i ka wa‘a ma ke ‘ano kūpono me ka ho‘ohana ‘ana i nā ‘ike like ‘ole i a‘o ‘ia ma loko o ka papa.
- E a‘o a e ho‘ohana i nā mele a me nā oli i pili i ka wa‘a a me ka ‘oihana holo moana.

NĀ HANA MA KA PAPA

E mālama ‘ia ana ka papa ma ke ‘ano he huaka‘i wa‘a. E a‘o nā haumāna i ke ‘ano e lilo ai lākou i po‘e ho‘oholo wa‘a ma luna o kahi wa‘a holo pili ‘āina, ‘o Kamauheheu, nona ka loa he 30 a ‘oi iki mau kapua‘i. Ma ke a‘o ‘ana, e a‘o ka haumāna i nā kuleana like ‘ole o ka po‘e holo moana, ma ka ‘āina a me ke kai. E a‘o ka haumāna i nā mākaukau like ‘ole e pono ai ka holo wa‘a, e la‘a ho‘i; nā ‘ike pili i ke kai, ka maka kilo ‘ana i nā ‘ano o nā mea a puni ma ke ao, me ka pō, ka pono o ka hana like ‘ana, ka ‘ōlelo pono ai e ka‘a aku nā ‘ike i kekahi aku.

E a‘o nō i kēia mau mea e pono ai, e hō‘ike ma ka hō‘ike hope i kou ‘ike a me ka mākaukau

Nā inoa o nā hui ho‘oholo wa‘a a me nā inoa o nā wa‘a ma Hawai‘i

Kūkuluokalani, star compass (Na Nāino Thompson)

Nā laina hōkū (Na Nāino Thompson)

Nā kaula a me nā hīpu‘u ma ka wa‘a

Nā māhele o ka wa‘a

Nā hana ho‘opalekana no ka wa‘a a me nā kānaka

Eia ho‘i kekahi mau hana e a‘o pū ai kākou:

E ho‘opū‘ulu ‘ia nā haumāna ma nā hui, ‘elua a ‘ekolu paha.

Nā loina e mālama ‘ia ma ka wa‘a, a ma kēia huaka‘i wa‘a, a me ka mana o ke kāpena/ho‘okele wa‘a, me ka hahai a ho‘okō pono i nā kauoha a pau e palakana ai ka wa‘a a me kona mau po‘e a pau.

Ka ho‘ohana ‘ana i nā kaula a me ka mālama ‘ana i nā kaula a me nā laina a me nā hīpu‘u kaula e pono ai ma ka wa‘a

Ho‘olauna i ke Kūkuluokalani, nā inoa o nā kauhale a me nā hale

Nā lālani hōkū i kuhikuhi ‘ia e Nāinoa Thompson

Nā koina hana ma ka papa

Nā mea heluhelu, nā mea nānā:

Na ke kumu e ho‘olako aku i nā pepa ma ka lā mua o ka papa.

Hō‘ike pokō:

Ma nā papa a pau e loa‘a mau ana nā hō‘ike pokō, e hiki ai i ka haumāna ke hō‘ike i kona ‘ike a mākaukau.

Nā hō‘ike nui kākau

Ho‘okahi hō‘ike kākau nui ma ka hopena o ke kau.

Ka loioli ‘ana i ka hana:

Hō‘ike pokō	5 ‘ai pākahī x 5 = 25 ‘ai
Hō‘ike nui	40 ‘ai x 1 = 40 ‘ai
Kākau puke mana‘o	10 ‘ai x 1 = 10 ‘ai
Komo piha ma ka hana	25 = 25 ‘ai
Huina o nā ‘ai	100 ‘ai

Ka ho‘okaha ‘ana:

A=90-100

B=89-80

C=79-70

D=69-60

F=59-0

NO KA PONO HŌ‘OKO‘A

Inā he pilikia kou kino, olokino, no‘ono‘o, a i ‘ole ‘a‘apo e ho‘opa‘akikī ana i kāu ho‘okō pono ‘ana i nā kuleana papa, e paipai ‘ia ‘oe e wala‘au me ke Ka‘i Hapaku‘e e ‘imi i ke ala e ho‘okō ai i nā hana o ka papa. ‘O Ann Lemke kona inoa a hiki ke keleponoa iā ia ma 235-7448, lekaula iā ia ma lemke@hawaii.edu, a i ‘ole hiki nō ke hele mai i Hale ‘Ākoakoa 213 ma ka ‘imi ‘ana i ka ‘ike hou aku.

KULEANA IX (TITLE IX)

Ma lalo ke Kuleana IX, ‘a‘ole hiki ke ho‘okae ‘ia ke kanaka ma muli o kona keka ma kona komo ‘ana mai i nā papahana ho‘ona‘auao a me nā papahana e uku ‘ia me ke kālā pekelala. Pāpā ‘ia nō e ke Kuleana IX ka ho‘okae keka, ka ho‘okolohe, ka ho‘opi‘oloke

keka, me ke komo pū ‘ana o ka ho‘opi‘oloke ma muli o ke kuhi keka, ke kuhi māhū, ka hō‘ike ‘ana i ke keka, ka pu‘e, ke kāhina keka, ka hao wale ma loko o kekahi pilina, a me ka uhai ‘ino. Ma ka ‘imi ‘ana i ka ‘ike hou aku no i kou mau pono ma lalo o ke Kuleana IX, e kipa iā: [‘Onipa‘a nō ke Kulanui Kaiāulu o ke Ko‘olau i ka ho‘ona‘auao lekauila. Inā ‘oe a i ‘ole kou hoa i pilikia i ka ho‘okae keka a i ‘ole uhao keka, ua mau mea kā KKoK \(WCC\) e kāko‘o au iā ‘oe. Hiki ke wala‘au paulele i ke kelepona ‘ana i ke Ke‘ena Olakino No‘ono‘o \(Mental Health & Wellness Office\) ma helu 808-235-7393 a i ‘ole Kaahu Alo, ke Kanaka Ho‘omalu Kūhelu no nā Haumāna, ma ka helu 808-235-7354 a i ‘ole ma ka lekauila or \[kaahualo@hawaii.edu\]\(mailto:kaahualo@hawaii.edu\). No ke kumu ho‘opi‘i kūhelu, e lekauila a i ‘ole kelepona aku i ka Ho‘olauka‘i Kuleana IX, ‘o Karla K. Silva-Park ma ka helua kelepona 808-235-7468 a i ‘ole kona lekauila ma \[karlas@hawaii.edu\]\(mailto:krlas@hawaii.edu\).](https://windward.hawaii.edu>Title IX.</p></div><div data-bbox=)

KA HANA NA‘AUAO KŪPONO

E hā‘awi wale nō ka haumāna i kāna hana pono‘ī. I ka ho‘ohana ‘ana i ka mana‘o a i ‘ole ka hana o kekahi kanaka, e hō‘ike mai ka haumāna ma nā kiko puana‘ī a me ka hō‘ike ‘ana i ka mea haku.

Hiki i nā haumāna ke ho‘ouka i palapala i kākau ‘ia ma ka ‘Ōlelo Pelekānia i <http://www.TurnItIn.com> i mea e hō‘oia ai i ke kūpono o ka hō‘ike mana‘o. E hō‘ike ana kēia polokolamu i nā mahele e hō‘ike pono ‘ole ana i nā mea haku hou aku.

Ma kēia papa, e loa‘a ana ka F i nā haumāna e kikiki ana a i ‘ole e ho‘opunipuni ana ma nā ha‘awina.

Inā mana‘o ‘ia he ha‘awina ho‘opunipuni kūpono ‘ole, e hō‘ike ana ke kumu i ka hana ‘ino a ka haumāna i ka Hope Po‘o o ke Kulanui Pili Haumāna (Vice Chancellor for Student Affairs).

KEKAHI ALA KA‘A‘IKE

Inā ‘a‘ole hiki iā ‘oe ke loa‘a ke kumu, a i ‘ole he nīnau kāu e hiki ‘ole ai ke kumu ke pane, a i ‘ole he pilikia hou aku, hiki ke ‘imi i kekahi kanaka o ke Ke‘ena Pili Ho‘ona‘auao:

Kahi: Alakai 121

Helu Kelepona: 808-235-7422

Lekauila: wccaa@hawaii.edu